

# BASEBEDISI BA NYEHLISETSO

Ha ho dihlahiswa kapa dintho tse tswang kante ho naha tse ka fumanwang ke mohlalisi ofe kapa ofe ya ngodisitsweng tlasa nyehlisetso ntle feela le ha a ngodisitse le Bolaodi ba Meedi jwalo ka mosebedisi.

Bahlalisi ba ngodisitsweng ba tlameha ho fumana tumello ho tswa ho Bolaodi ba Meedi pele dithoto dife kapa dife (tse kang tse sokang di sebetswa, dikarolwana kapa dintho tsa motlakase) di ka fumanwa ho tswa kante ho naha tlasa nyehlisetso ya kgafa e hlakisitsweng Sejuleng ya 3 kapa 4.

Mokopi le shopo ya nyehlisetso di tlameha ho ba Afrika Borwa. Diforomo tsa kopo di tlameha ho nyehelwa Ofising ya Bolaodi ba Meedi moo sebaka sena sa tlhahiso se welang tlasa taolo ya yona. Mokopi o tlameha ho ikobela diphelelo tse hlakisitsweng dinthong tsa nyehlisetso tse boletsweng ka nako ya kopo ya hae.

Moo ho hlokehang phemiti ya Khomeshene ya Tsamaiso ya Kgwebisano (ITAC) ho latela dintlha tsa ntho ya nyehlisetso, mokopi a ka ngodiswa feela ho ba mosebedisi wa nyehlisetso ebang e le monga phemiti e jwalo.

Shopo tsa nyehlisetso tse fumanehang moahong o le mong kapa mokatong o le mong le dikgwebo tse ding, di tlameha ho arohannwa.

Ditanka tse kgolo tsa polokelo tse sebediswang, di lokela ho ba le dinomoro tsa ho lekanya mme di tlameha ho ba boemong ba ho ka kwalwa ke Bolaodi ba Meedi, ebang le ha ho ka hloka hlahala.

- [Rebate Item 470.03 External Guide](#), e fana ka botoloki le phethahatso ya Rebate item 470.03, ho akareditswe ho sebetswa ha dikopo ke bangodisi, tlhekelo ya dithoto tlasa nyehlisetso mmoho le tshebetso ya diakhaonto tsa dithoto tse tswang kante ho naha
- [Leano le bitswang Clearance Declaration External Policy](#) le fana ka monyetla wa ho nyehelwa ha ditsebahatso tsa tlhekelo ya Bolaodi ba Meedi (CCD) ke basebedisi ba nyehlisetso ho latela dintlha tsa Sejule ya 3.

## Ke diforomo dife tse tlamehang ho tlatswa ho ingodisa ho ba mosebedisi wa Nyehlisetso?

Tlatsa foromo e hlokehang ya kopo mmoho le sehlophiso/dihlophiso tse amehang. Tsena ke:

- [DA185 - Application form: Registration/Licensing of Customs and Excise Clients](#)
- [DA 185.4A3 - Registration Client Type 4A3 - Rebate User \(Schedules 3, 4 and 6\)](#)

Romella ditokomane tsohle tsa tshehetso tse batlehang diforomong tsa kopo ofising ya hao e haufi ya Bolaodi ba Meedi.

Ditokomane tse latelang tsa tlatsetso tsa tshehetso di tlameha ho tsamaya mmoho le foromo ya kopo:

- Phemiti ya ITAC, ebang e hlokwa ke ntho ya nyehlisetso.
- Tumellano e pakeng tsa ya fumanang dithoto kante ho naha kapa ya romellang dithoto kante ho naha le mohlalisi e tlamehang ho bolela tsena:
  - Dintlha tseo bohlahisi bo tlang ho itshetleha ho tsona;
  - Tlhahiso / kotulo; le
  - Mokga o tla jara boikarabelo ba dihlahiswa tse tlang ho hlahiswa.
- Moralo (e seng hakaalo wa mannetenete) wa mapatlalo o bontshang hore sebaka seo sa shopo ya nyehlisetso hantlente se kae (ke hore shopo, sekepe, tanka le jarete).
- Lenane la polante le metjhine.

## Sejule ya 4

Tsena ke dinyehlisetso tsa kakaretso tsa dikgafa Sejuleng ya 1 Karolong ya 1, 2 le 5 ya tharifi. Karolo ya 5 e mabapi le levi ya dithoto. Tharifi e hlakisa phihlelo ya nyehlisetso bakeng sa sehlahiswa ka seng tlasa sejule ena.

Tse latelang ke mekutu e ikgethang ya mmuso tlasa sejule ya 4:

### **Rebate Item 470.03**

Pehelo ya Rebate Item 470.03 e fana ka nyehlisetso e tletseng ya kgafa ya Bolaodi ba Meedi hodima dithoto tse tswang kantle ho naha tse hlakisitsweng phemiting ya ITAC, ke hore; phanyeho ya kgafa ya Bolaodi ba Meedi hodima dithoto tse tlang ho sebedisetswa tsa tlhahiso, tshebetso, phethelo, disebediswa kapa ho pakelwa ha dithoto tse reretsweng tsa thomellontle feela. Pehelo ena e boela e dumella tlhekelo ya dithoto tse sa angweng ke kgafa ya Bolaodi ba Meedi e tlang ho tsebahatswa ka tlase mona.

Sepheo sa Rebate Item ke ho thusa ba romellang dithoto kantle ho naha ho qoba bothata bo bang teng phallong ya tjelete ya Bolaodi ba Meedi mmoho le dikgafeng tse ding tse amehang tse lokelang ho leshwa hodima tse sokang di sebetswa kapa dikarolwaneng ka nako ya thomellokahare ho naha.

### **Rebate Item 498.00**

Rebate Item 498.00 e fana ka phanyeho ya kgafa ya Bolaodi ba Meedi le ya Sejule ya 1 ha Molao wa VAT o fana ka ho se amehe ha ho tluwa ho lekgetho la boleng bo ekeditsweng hodima dithoto tse tswang kantle ho naha tse tlasa Rebate Item 498.00. Moo dithoto di sebedisetswang tsa tlhahiso ya dihlahiswa tse tlang ho romelwa kantle ho naha, boikarabelo ba CCA Enterprise bo fihla pheletsong nakong eo ho nang le bopaki ba hore dithoto tse amehang di ile tsa feela tsa romelwa kantle ho naha.

Ebang dithoto tse hlahisitsweng di ka rekiswa mmarakeng wa lapeng, kgafa ya Bolaodi ba Meedi e fanyehilweng mmoho le dikgafa tse ding tse amehang tsa karolo ya tsona e tswang kantle ho naha di tla sebetsa.

Rebate Item 498.01 e mabapi le CCA Enterprise mme Rebate Item 498.02 e mabapi le IDZ Operator. Ho latela dintlha tsa Rebate Item 498.02, IDZ Operator e tla tshwanelwa ke ho fumana dithoto ho tswa kantle ho naha tlasa pehelo ya dithoto tsa kaho le tlhokomelo ya CCA ka hara IDZ. O ka nna wa boela o sheba IDZs / SEZs.